



Proba de

Código

CMPS010

Lingua
galega e
literatura

Control

Pegue aquí a etiqueta
de control do exame

(sen código de barras)

Proba de

Lingua galega e literatura



1. Formato da proba

Formato

- A proba consta de 18 preguntas tipo test, baseadas no material para a preparación das probas de acceso a distancia, e unha pregunta de redacción.
 - Parte inicial: dez preguntas tipo test.
 - Texto 1: cinco preguntas tipo test.
 - Texto 2: tres preguntas tipo test.
 - Parte escrita: unha redacción.

Puntuación

- Puntuación: 0'50 puntos por pregunta e 1'00 punto pola redacción.

Duración

- Este exercicio terá unha duración de 40 minutos.

Materiais ou instrumentos que se poden empregar durante a proba

- Bolígrafo con tinta negra ou azul.

Advertencias para o alumnado

- Os exames non deben levar ningún tipo de marca nin texto que poidan identificar o candidato.



2. Exercicio

1. Cal é a oración escrita correctamente?

- A** O goberno anunciou medidas para abaratar os custos das chamadas a móbiles.
- B** O goberno anunciou medidas para abaratar os custos das chamadas a móbiles.
- C** O goberno anunciou medidas para abaratar os custos das chamadas a móbiles.

2. Cal é a oración escrita correctamente?

- A** Henrique estivo traballando na horta ata altas horas da tarde.
- B** Enrique estivo travallando na horta ata altas horas da tarde.
- C** Henrique estivo traballando na orta ata altas horas da tarde.

3. Cal é a oración escrita correctamente?

- A** O concello de Abadín sitúase ao norte da provincia de Lugo, nos lindeiros entre a Terra Chá, comarca á que pertence, e as Mariñas luguesas.
- B** O concello de Abadin situase ao norte da provincia de Lugo, nos lindeiros entre a Terra Cha, comarca á que pertence, e as Mariñas lucenses.
- C** O concello de Abadín sitúase ao norte da provincia de Lugo, nos lindeiros entre a Terra Cha, comarca a que pertence, e as Mariñas lucenses.

4. Cal é a serie de palabras correcta?

- A** Doctor, reitor, doutrina, seita, suxeto.
- B** Doutor, reitor, doutrina, seita, suxeito.
- C** Doctor, rector, doctrina, secta, suxeito.

5. Cal é a serie de palabras correcta?

- A** O mel, a ponte, a sal, a suor, o labor.
- B** O mel, a ponte, o sal, o suor, a labor.
- C** O mel, a ponte, o sal, a suor, o labor.

6. Cal é a oración escrita correctamente?

- A** Escribimola carta no ordenador.
- B** A carta escribímola no ordenador.
- C** A carta a escribimos no ordenador.



7. Na oración “Non che mo dixo”, que función cumpre o pronome “che”?

- A** Complemento indirecto.
- B** Complemento directo.
- C** Pronome de solidariedade.

8. A oración “Deu en saltar de alegría” contén:

- A** Unha perífrase verbal.
- B** Un complemento axente.
- C** Un pronome persoal.

9. Cal é o significado da palabra “emigración”?

- A** Regreso ao lugar de orixe para volver a establecerse nese lugar.
- B** Saída do lugar de orixe para establecerse noutro lugar.
- C** Viaxe a un país estranxeiro para explorar.

10. Cal é o significado da palabra “inmigración”?

- A** Entrada nun país de persoas estranxeiras para establecerse nel.
- B** Cambio periódico de lugar dalgunhas especies animais.
- C** Regreso ao seu país de persoas estranxeiras que saíran del.

Texto 1

“Irene, a súa nai, era unha muller delgada e morena, que conservaba unha figura con trazos xuvenís, deportiva e con certo atractivo. O pelo en media melena acariñaba os seus ombreiros como remuíños negros, sen asomo de elementos que puidesen denunciar que estaba ao bordo dos sesenta anos. Tiña unha desas peles que semellan arredar as engurras, e deixan soamente unhas lixeiras liñas na fronte e no rabo dos ollos, que fan que ninguén lle bote a idade que realmente ten. O tempo non fora cruel con ela, e a distancia entre as fotos da voda colocadas enriba do aparador e a imaxe actual non era, nin moito menos, insalvable. Ata hai tres anos traballaba nunha tenda de teas e artigos de mercería, a máis antiga e coñecida da vila”.

Domingo Tabuyo. *Carmín*.

11. Cal é a serie de palabras que contén cinco adxectivos?

- A** Xuvenís, peles, cruel, imaxe, coñecida.
- B** Xuvenís, lixeiras, cruel, insalvable, coñecida.
- C** Deportiva, lixeiras, idade, insalvable, coñecida.



12. Os tempos verbais acabados en -aba son:

- A** Pretérito perfecto de indicativo
- B** Pretérito imperfecto de indicativo.
- C** Pretérito pluscuamperfecto de indicativo

13. A palabra “lle” é:

- A** Un pronome persoal.
- B** Un artigo determinado.
- C** Un determinante posesivo.

14. A palabra “con” é:

- A** Unha preposición.
- B** Unha conxunción.
- C** Un adverbio.

15. Cal é o significado da palabra “remuíño” neste texto?

- A** Movemento rápido en espiral.
- B** Aglomeración, amoreamento.
- C** Retorcemento natural en espiral.

Texto 2

E pensaban que non a verían máis, pero daquela aconteceu que, ao saíren do porto, o motor do Benaura fallou unhas cantas veces, coma se tusise para ceibarse do afogo, e ao fin calou de todo.

Revisárono alí mesmo, polo momento sen poderen descubrir que era o que fallara e, cando despois de dúas horas continuaban na mesma situación, ou aínda peor porque só lles quedaban dúas horas ou pouco máis de luz, decidiron volver a terra, onde pasaron a noite.

Ao día seguinte, a media mañá, Dídac xa solucionara o problema, á fin de contas moi sinxelo, pois tratábase simplemente dunha peza gastada que non collía o xogo, e abondou con substituíla por outra, das que levaban de recambio, para que todo funcionase normalmente.

Despois de comer, cando xa estaban para reemprender a viaxe, Alba decatouse da presenza da muller, a uns cincuenta metros, e díxollo a Dídac, que virou a cabeza e, inseguro, dixo:

— Coidas que pode querer algunha cousa? Se cadra, que a levemos connosco?

— Non cho sei...



E acenáronlle para que se achegase, mais ela continuaba sen moverse, mirándoos, ata que Alba dixo:

- Imos nós.

Manuel de Pedrolo. *Mecanoscrito da segunda orixe*.

16. O resumo correcto do contido deste texto é o seguinte:

- A** Cando Alba e Dídac revisaban o motor do barco tiveron un problema durante dúas horas e decidiron comer e irse durmir. Ao día seguinte resolveron o problema e unha amiga veu despedirse deles antes da partida.
- B** Cando Alba e Dídac saían no barco tiveron un problema co motor e como se fixera de noite decidiron durmir alí e írense ao día seguinte despois de recambiaren unha peza gastada. Xusto no momento de reiniciaren a viaxe viron unha muller e dirixíronse a ela.
- C** Cando Alba e Dídac saían do porto tiveron un problema coa revisión do motor do barco e decidiron durmir alí dúas horas e írense ao día seguinte despois de que lles resolvesen o problema. Xusto no momento de reiniciaren a viaxe viron unha persoa e dirixíronse a ela.

17. Cales son os sinónimos correctos de “ceibar”?

- A** Achegar, engordar, recriar.
- B** Desatar, liberar, soltar.
- C** Retroceder, recuar, taleixar.

18. Na palabra “reemprender” a sílaba “re-“ é:

- A** Un prefixo que significa “repetición”.
- B** Un sufixo que indica “reiteración”.
- C** Un lexema que significa “volver a”.



XUNTA DE GALICIA

CONSELLERÍA DE EDUCACIÓN
E ORDENACIÓN UNIVERSITARIA

Dirección Xeral de Formación Profesional
e Ensinanzas Especiais

Parte sociocultural

LINGUA GALEGA E

LITERATURA

[CM.PS.010]

Cuestión de resposta aberta

19. Escriba un texto de cen palabras sobre os contidos das programacións da televisión.



3. Solución para as preguntas tipo test

Nº	A	B	C	
1			X	
2	X			
3	X			
4		X		
5			X	
6		X		
7			X	
8	X			
9		X		
10	X			
11		X		
12		X		
13	X			
14	X			
15			X	
16		X		
17		X		
18	X			
Puntuación da pregunta 19				
Nº de respostas correctas				
Puntuación total				



4. Solución para as preguntas que non son de tipo test

- Pregunta nº 19.
 - Non se pode incluír aquí un texto patrón, dado que cada alumno redactará un diferente.
 - Nesta pregunta valorarase o contido, a adecuación, a coherencia, a cohesión e a gramaticalidade.
 - Indícanse algunhas pautas relativas á presentación, á caligrafía, á ortografía, á puntuación, ao vocabulario empregado, á precisión nos termos, etc.
 - Considerarase como falta leve, penalizada con 0'05 puntos, cada caso de uso incorrecto dos tiles, de uso de variantes dialectais, coloquialismos e imprecisións léxicas, así como a mala caligrafía xeral.
 - Considerarase falta grave, penalizada con 0'01 puntos, cada caso de erro ortográfico como “b/v” ou presenza ou ausencia de “h”, cada erro de puntuación, a falta de marxes e a presenza de borróns.
 - Considerarase falta moi grave, penalizada con 0'20 puntos, aquela que vaia contra o sistema do idioma, como o uso de formas compostas, o uso de grafías impropias sen xustificación (y, j, etc.), mala colocación do pronome átono ou a non utilización das maiúsculas cando corresponda.